

集部

欽定四庫全

蘇魏公文集卷五十四

詳校官庶吉士臣朱 理 檢計臣何思的覆勘

校對官編修臣盧 總校官進士臣朱

腾绿监生臣施

華

溢

鈴

千六百戶食實封三百府贖銀青光禄大夫益康簡 太一宫兼 前班技術 经股本债券 殿學士通議大夫兼侍讀提 柱國樂安郡開國侯食邑 小公神道碑銘 蘇頌 撰

一多定四庫全書 夫諱旦徙占顏昌府長社縣子孫遂為許人公以元祐 其并五月庚申科於祖壁之次越四年春情袖公履歷 其色祖給事中集賢院學士判西京留守御史臺贈工 自公之曾祖贈工部侍郎諱澄而上皆居平棘死則葬 孫公墓在汝州襄城縣永安鄉某里孫氏世為趙郡人 功狀泣訴於某曰情罪逆未殞已畢祥除而終鮮兄弟 二年正月壬午薨於京師嗣子承事郎情護丧南歸 部尚書諱冲以官終洛陽因葬襄城父贈銀青光禄大

得見謹案禮令官終三品立碑墓下今龜畴具矣敢緣 獨任宗事行當去遠墳墓重惟先人之大行大節則有 者紀述遺德可無言乎公諱永字曼叔生十年而失所 今右丞相萬平公所撰德銘存馬然而石納幽堂人莫 怙大父愛育置之子行再奏守将作監主簿慶歷二年 平日之雅請文揭於神道使得終事死無憾矣某辱與 公游且三十年昔官同省後位同列出入趣舍亦多同 祖重畢自列於朝正其三代而官之詔換試衙六年 年 紀公文祭

多定匹庫全書 一祐二年 弘 為之表章用水多寡之節刊為定今至今不改在確山 山縣公吏事明達民情隱伏方俗微惡靡不完其織悉 令考課改著作佐郎轉秘書丞太常博士歷知蔡州確 捏進士第補汝州襄城縣尉所部列為遷襄州宜城縣 奸僑冠為之屏遠在宜城復長渠灌溉之利前後太守 兩 有教告則民信而服在襄城修保伍相司之法而宿 稅輸納之限不煩督責而編戶相戒應期自集嘉 御史中必贾公薦公文中御史詔且下矣以

管勾機宜文字英宗即位遷尚書屯田員外郎轉都官 法上之朝廷領行諸路皆以為便韓康公帥環慶表公 三司奏選為京東西淮南三路寬恤民力公所至詢民 錢塘郡太夫人錢氏髙年不當任言責力解不拜未幾 府罷於審官格當注遠官亦以母故求任筦庫時大司 均致有亡家破産之患因考輯衆論斟酌裁定著為成 疾苦得其弊在鄉户吏主持物務及漕運緩急輕重不 徒韓忠獻公當國權公提舉河北雜便糧草踰年召為 年見公之集

郵完四庫全書 籍 權發遣三司開拆司公事治平三年諸王出閣建府選 府僚離校公進白日韓非險薄刻霰背六經帝王之旨 部即中充天章閣待制主管三班院案係東吏躬操簿 年升儲以公為司封員外郎太子舍人神宗即位拜工 頋 公為侍讀神宗初潛好學不倦一日出新錄韓非子屬 集注日依名唱授無復爭訟出為陝西體量安無使時 勿留意神宗日録此聊以備藏書之數非所好也明 凡有員關取選者績效萬下到選先後預鈴次之至

送 為 考春秋謹始之義而取信於天下也歷河北陝西都 位首布大號惡逆者猶蠲除之緣坐者及不宥非所 食之餘悉以振膽故民賴以全活者為多值有中旨捕 2. 17... 2.1. 干預公奏曰鹽馬國之大計使者尚其柄既無統隸的 運使是時以邊用不足解鹽市馬别為 叛人景詢族屬入西界者不以赦原公言陛下新即 路旱歉使者四出轉粟以哺流殍公會所在倉便軍 非法孰從而制之耶熙寧元年秋遷龍圖閣直學士 蘇地公文集 一司外臺不得

鹽之利公遣副的劉昌在馳往喻以無是事首豪聽命 疏其非便既而青唐族兵壓邊境謂漢人將錮我青紅 邊陲方靜若無故極動恐變生不測非敢聞命也遂密 稱古推為判司書寫秦鳳路經略司機宜文字執政亦 充秦鳳路經略安無使知秦州時有布衣上書言追事 以書抵公言其才至府首談恢復熙河之畫公謂之曰 而去會新建劉構堡失守有勘公曰此師事也戮其偏 可以塞責公曰居敵必爭之地派軍絕援兵法所謂

|多好四库全書

尋復學士出為高陽關路安撫使兼知瀛州河決貝丘 ~ 職其諸郡尤被其害民戶賦租前以災傷已當倚閣而 行之何也上日事固未決需卿北歸乃定後竟不果行 契丹國信使屬執政建議復內刑事下編執所公解日 吾之幸也後竟從坐降授天章閣待制知和州三年四 面奏曰刻人肌膚深害仁政漢文有所不忍陛下乃欲 月以提舉詳定照寧編初兼知審官東院召還又命為 不得而守者也尤人以全已宣将帥所為乎緣此斥去

虚實公奏南北信好無間隙但緣趙用侵暴生疑正用 罪則無事矣執政繼以書問息耗公答敢以一門保無 患北人絕河捕魚巡檢趙用擅引兵北渡焚蕩其族帳 故致數侵略境上邊郡為之震恐上聞至道中使密訪 與法盩用事者所不便非出獨斷則一路之民流亡無 他後北人軍連珠等寨直四十里謀起舟師邀邊臣會 日矣特詔從其請仍命發塵粟以助救師白溝界河常 州縣拘常平法坐視流離科催如故公累章論日臣言

多好四母全書

議公立遣使諭以邊吏目禁已緊獄矣隣邦何至輕動 能辨者它官司皆拒不納至公受而言之稍懲其弊七 新行保甲訓練之今緣案教所須多出編户有訴貧不 所舉亦聽自辟六年加握客直學士權知開封府畿内 致生事遂便宜易置皆中機會有古並塞城寨官雖非 年春降授龍圖閣直學士提舉中太一宫兼集禧觀公 耶答曰若罪人已治能以精醪搞師立自歸矣公命霸 州遺而遣之用本沿邊安撫司所辟公慮其衙前除復 年見して長 **

售之不堪者任其貨易自是材用足而告許者息矣冬 者公為之請應私有皮角使人得關於官中度者善價 判北京留司御史臺八年冬復舊職遭母丧去位元豐 隱匿不輸之科亡賴軍因此搜剔告許至及婦女首飾 事再以親疾求補外出知賴州又馬問局以便晨昏改 務以安静為治常的守吏謹約東母得妄起事要功以 元年服除判軍器監有司患皮角不足以給造作奏重 一月拜河東路經界安撫使知太原府公三為邊師

| 郵定匹庫全書

養五十三

速禍敗故二境帖然戎漢未當有相侵犯者時謂公寬 於鄉黨矣京西初行保馬監司趣其期冀速賞格公諭 将作監召明堂禮畢特拜太中大夫充端明殿學士病 以得士心信以懷異俗真治世之良師也三年秋以判 失者在郡興革學舍督教官躬課試之程於是禮教行 視先嚴禁盗之令記水退復故安居如昔雖七節亦無 溢將冒城郭居民驚擾遷徒避溺者不可遏公躬自臨 不任朝請得提舉嵩山崇福官踰年起知陳州蔡渠水 Į 永思公之

多近匹庫全書 舊募保伍之材勇者為兵行前朝差科之政今上皆嘉 太后臨朝共政韶求直言時政之關公首陳保馬保甲 常平栗輸陵下州各數十萬斛公言方個作時調人牛 夫永裕陵役兵數萬轉運使請雇民升車運許汝諸州 詰責使如前詔七年移知賴昌府八年軍需遭通議大 免役錢三事最敝願一切罷之籍見馬隷軍復監牧如 數萬不能無妨農之害疏入而獲免今上初即位太皇 民詔限本寬不必預蓄密奏監司違法病民之弊有古 卷五十三

宜未就而溫公薨或有異議欲用輸錢雇役公力陳不 等詳定是時故相司馬溫公首議變法命官雜論其所 前面諭以雇役大率上户太優下户不易所以專委卿 白公右僕射范公大資政韓公實並命也一日召對策 教人奔競以干薦也乃定選關惟無過有薦者不限多 舊以功過及薦者多寡為差公曰以薦者差其高下是 納之冬十二月詔除工部尚書兼詳定役法今左僕射 可狀及法成多合所議元祐元年三月遷吏部選法擬

次定口戶在馬

蘇魏公文集

著者初歸自歷陽陛見日上問近執政建青苗助役之 寡以到選為差次人皆便之未幾以痼疾辭位封章連 亦未當嬌抗形於言色故入領臺閣出典州郡職事所 上明年正月進省政殿學士兼侍讀罷選事提舉中太 說異之迹事或悖於義雖逼以山岳之勢亦不為屈然 金罗巴西台灣 及知無不言言無不盡其要領前後有論數十事其尤 一宮未及拜命以不起聞制贈銀青光禄大夫公為人 和内勁出於天資其論議平易施設務循故常不求

欠いりっこいい 敗也赴并門日上詢方今時務所切公言軍器監造作 雖府吏臣亦不敢必其無犯它日有敗露是臣今日面 法之行吏尚為姦手對日強盗罪死犯者猶衆況配隸 亦如之謂之倉法有司奉行極於峻密上常問公曰倉 錢代徭不能無重斂之患若用以資經費非臣所知也 法將以給民以為便否對曰法誠善矣然強民出息輸 乎上曰若爾將縱之乎對曰人但畏法而不能華其心 初禁倉庫吏受財滿百金則配隸為軍京司府史有犯

蘇院公文集

豈有輕動之理卿言是也公之開陳世務切劇上意多 بلىلد 利害無何韓公出守河陽公獨任其責時方行市易抵 下開封詢究便否據曹議無不便公亦循例書其紙尾 福之機不可不慎也上曰兵備不處若寇戎無警朝廷 仲有弗戢自焚之戒漢魏相有兵應者勝之論安危禍 倍常外議以為将有事於征討夫兵非輕用之物魯衆 躬訪民間多言不便部公與今大資政韓公同體 類也照寧中言利者欲使都城市行輸錢以免直初 [5]

金云四月五十

卷五十三

歌記可事心書 一 愛聽問里之意不若罷之以養正兵便所代二州產鹽 事公言應募者皆流移僑寄既非武斷鄉曲之人又無 前書府議無不便今乃異論言不以實意在沮撓新法 當法貸民錢以期限輸息下户有取貸及期不能價而 先罷免月出錢萬緣矣它日公復對言市行之第下速 自裁者上頗知之一日遣中使客問姓名而提舉者懼 用是罷府河東以監收廢地招置弓箭手養官馬習式 錐 刀之末有變其名號以味上耳用事者知之劾奏公 蘇魏公文集

益以信任初病不任朝親遣上醫調診六命近侍問安 極 否且宣諭云欲與鄉議邊事何日可出尚虚樞容員 凡 苦惡不可食轉運使司既立監臨增虧之格又重盗販 圍也是數者皆當時所甚患而言事者畏縮不以聞公 不可禁兵武備也不可關今以惡鹽累防兵非所 透漏之科巡檢兵吏由是得罪者甚多公奏鹽民食也 有所陳皆加意復熟雖或行或格而察公悃愠無它 陳其本原深悟上聽先帝以公東官僚舊待遇特厚 いく 固

グラシロ人 とうし

J. 17. 1.1. 諸生肄 業西京國子監公私試常在第一尚書公謂之 葬事其恩禮始終近世未有也公自少敏於文詞當從 待公醉不能與懇請道宮以就頤養又遣梅客副使孫 各一千又命中使護喪歸賴昌府并粉賴昌汝州共辨 再作太皇太后命內侍賜御膳視所苦既罷天官錫服 公臨問所以欲去之意公具言其狀上皆從之前歲疾 洛陽英俊所集爾年少不宜多上人因不復令與諸 班皆如尚書及薨特遣内贵人存扮其孤轉以銀網 採混公之茶

忠獻公為知人公善與人交開懷見心中無町時間 出其文稿示之成曰真舍人才也監公聲稱大顯皆謂 貴人也遂見引用儲僚之議它執政未有知者忠獻公 畫特妙行草喜晉唐諸賢帖臨習逼真當時士大夫得 生員校試自爾每有制作衆皆傳誦學問之餘游思書 多定匹庫全書 讀之歎愛稱譽不已一日相見慰籍如平生謂之曰公 其尺牘藏去以為珍玩碑誌不得公筆子孫以為不足 有集三十卷藏於家初忠獻公之知公也因得其詩稿 封許昌郡君先七年而亡三男伯愷通直即李悦並先 歸養視於家教其子學以任子恩薦大甥李氏子而以 黨友愛情至有無共之人不知屬之親跟也二妹以寡 談語言婉而中理所與游者多一時偉人然於是非當 及張族吾目照矣後卒如言公娶京兆康氏某人之子 張生猶未及公病亟語情曰遺奏當先之幸上哀憐澤 利害歷夷險未當於帶於中心其內行尤為與諸父之 否不少徇情以此或有忤時因之齟齬公亦不悔故更

次已日東白島 蘇北公文年

其蘊微竊伏讀某日贈制日事上見不欺之誠治民多 象長社縣尉謝僧穀城縣令王士彦宣義郎通判施州 可紀之績此可以見公之忠誠者於朝廷矣又讀考功 尚 燕若材孫男四日们曰偓並承奉郎曰倚承務郎曰似 行操履見於行事者益畧得其大要顧鄙言未足以發 行宜芳縣令韓奕賢五幼曾孫二人曰計曰話惟公言 卒仲即情也五女一早卒四適人壻將作監主簿未得 幼孫女八人三適人壻曰斯縣尉張道承奉郎日仲 ノーー とこうこし 遠仕真彼通閨始信其言再試之吏續著王家明稱 赫赫炎宋明明神宗紹仁選武繼英烈功朱郎初開皇 請 墓之有碑其來遠矣姑紬次其所見聞者以塞孝嗣之 大名大迹敏然自顯不待刊之金石乃見其美實然則 僚妙選孰主畫諾孫公康簡康簡之進司徒所知權於 此又可以見公之行義信於士大夫矣若是則不朽之 諡 誥 銘曰 日內外以愛民利物為心平生無怨仇不足之人 東地公之后 Ì

多好四庫全書 我而定凡公所言那本為先罷租两市息警三邊人謀 器公自幼齡疑然大成文傳西學名動留京初任州 近計我圖長利議雖屢格事迹過濟先帝知公悉心匪 召彼故老服在大係考工典選議役修令新書舊章自 藩在遠如通陳戒住兵深明治體元豐末命二聖臨朝 遷 訓典乾龍天雅風雲會時光華禁序改納忠規入輔出 不行早贱的利於民察勒匪後其在省臺知無不為 御史力以親辭左右東朝導揚三善書斤刑名經崇

とこうことこと 籠 射 度據有梁秦是為唐室始祖王别子之後有魏尚書僕 堂有銀延道有表岸谷或選令名不朽 躬公既感遇相亦惟終雖極九遷不登三事上思遺直 涉魏晉至隋唐代有顯者在晉則昭武王嵩以英姿偉 原武李氏胄出隴西成紀自西漢前将軍廣始者其色 沖以文學端亮振名一代其裔孫君威仕隋唐至禮 加膊襚頡川公鄉襄城公藏三世之墓登闕相望坎 皇城使李公神道碑銘 绿饱公文集 古

也公諱極字仲的始上歲受父官以材敏精辯稱於所 軍 康保裔成高陽關護一旅之衆與寇苦戰而援兵不至 平二年冬却丹舉衆內冠以東班殿侍從彰國軍節度 産不仕為鄉里所敬元超生贈左驍衛大将軍諱與成 孫遂占籍馬其居原武者曰颙颙生光光生元超並殖 部侍郎是當集東晋至陳隋八書為南北史未竟而子 延壽卒其業者其後失官居鄭卒於裝陽縣之野舍子 敗死之朝廷膊郎甚厚錄其一子為西班殿侍即

金好四母全書

樂監本府酒務歲課溢九千萬方是時元昊以靈夏反 勤最於衛等自殿直捏涇原儀渭州鎮戎軍巡檢徒三 藥馬遞銷監鄭州賈育山採石場仁宗初預修永定陵 中' 陜 門往來催驅鹽網趙僖質公罷樞密副使出知河中府 部未二十年七遷為東頭供奉官歷巡轄南雄韶州香 州兵馬監押特旨兼主管駐泊軍馬公事召試号馬策 帥府爭欲延致之初從客省使知鄜州張亢辟為本 陲 用兵右職之任事者以數百人公籍籍有聲班

多定匹庫全書 李莊公應詔舉提點廣南東路刑獄廣源蠻儂智高入 略中程補閣門祗候陝西四路經略使夏文莊公奏改 寇廣帥仲簡倉卒不知所圖即以事移公公真其家曲 經略使夏公安期奏復瓦亭寒以援原州德順鎮戎兩 都監再任移廣州准安鎮都監管幹東西谷寨會涇原 江獨與子昌齡問道赴難在重圍五十六日出奇制變 軍請以公為駐泊兵馬都監從之嘉祐初用刑部尚書 贼卒不能勝事平自內殿崇班問門祗候選供備庫副 *****

使充廣南西路鈴轄故太子少保元公時為轉運使三 次足马上 白生 奏理公於廣人有大功一官賞薄不足以稱其效於是 治行優異擢知鎮戎軍就移成都府利州路鈴轄代還 又遷西京左藏庫副使滿科超拜供備庫使知儀州以 皇城使管勾本司神宗軍恩換賀州刺史充本州團練 書知廣州余襄公辟命以文思使充廣東鈴轄就加康 例當進秩上書丐移以加贈父一官詔可又用工部尚 州刺史恩數並視三路英宗登極轉左藏庫使歸朝遷 蘇親公文集

金なせんと言 亦不失其領也照寧四年年七十九卒於官所諸孤護 蒲城之敞廬可以供老而天子仁思弗忍遽棄尚使充 諭令再任乃謂親友曰予憑籍先人餘烈遭遇四朝繇 使累表告老請致為政上察其精力猶強職事無廢面 喪西歸以其年九月三日葬於河中府河東縣陶邑鄉 位未遂素志雖然異時若死牖下從清津先人之墟墓 兄從無尺寸功伐次遷使持節得備宿衛年過七十有 觀里號衛將軍墳之左次遵治命也公為人外和裕

大三百五八十 **續外歸縣苦失明名醫髙手咸曰疾不可為也時有蜀** 能以非義奪善與人交其游皆一時後傑尤尚氣節不 疾自當愈後强治之果如士寧言夫人韓氏某官之女 世衙謂人曰自吾之點不改故舊者李君一人而已自 為炎凉易操素善种世衡及廢免勞問周即厚於平時 以某年某月卒葬某所繼夫人譚氏遂州觀察使贈太 而內勁挺遇事無劇易處之皆有係理議論平允人不 川道人李士寧者言事頗異一見公曰是類有陰德者 蘇妮公文朵 ᅶ

官張毅某官趙寅某官薛昌圖某官鮑朝賓某官聞人 委员四周白書 某官曾孫幾人曰垂用公遺思今為某官先是衛将軍 通某官高宣某官劉濟孫三人曰佐某官曰偉曰僅並 亡女九人一學浮屠為比丘尼早卒六已從人壻曰某 齡三班差使曰蔡某官曰蔡某官二未名與昌齡皆先 封某縣君子男六人日禁今為中散大夫知邠州曰昌 尉廷美之孫崇儀副使贈左金吾衛大将軍繼倫之女 殁後六十三年嘉祐六年某月公舉其極暨母夫人永

欠い可えいたす 才謀顯於邊鎮中散君以詞學取科第蔡求解所居官 葬也又得荆公之亞弟平父銘誌其墓可為盡禮而盡 當立碑若得銘揭於道則其傳不朽矣謂僕與中散君 孝也而諸子猶曰未也以謂誌藏於坎人不得而見之 安縣太君朱氏葬河中得故相王荆公文載於碑公之 同年進士不為無素因以事跡見屬僕昔者一拜公前 日月旣邁則懿行偉蹟久或不傳而吾親所終官在令 固己高其行義又聞平父當稱衛将軍死於國事公以 蘇絕公文集

金贝匹母全書 衛將軍以死勤事不屈郭丹公嗣厥武隸籍西班服勞 李著隴西鼻於廣祖系遠族分别占原武原武裔孫曰 前雖欲文之亦難為工矣姑擔摭前言次而詩之所以 成孝子之志也鉛曰 以表之誠欲叙其始卒以示後來然有雄辭大筆著於 服親丧盖亦一門之美事也因記其書齊為忠孝文武 紀遂顯厥官爰初奮迹間關小職見稱巨公謂當遠 解池督鹽貫山伐石課溢平時人亡苦役既徒陝 7

出侵掠捕輕寬馳公以名購得而殺之州人德公久益 亂陰破其謀邊遂無患瓦亭當衝廢久復建招懷初附 時嶄嶄堅壁四路開府副帥治軍戎事毛密動必咨詢 見思郎守患城議徒山北命公師師版築勿亟曾不踰 方起西師計臺師間辟書屢移徑有戍卒叛逃外移數 てい こう こ 欲章薦堅解不請恐吏受譴漕臺亡金搜牢甚急公曰 用其遠謀遂集成熟獄囚殺卒夜出為變公掩獲馬師 不遠當在近習一往即時羣偷就繁准安近胡熟羌喜 本鬼人之美 1

悉如舊貫南使五嶺刑清盗进賀有大獄林連衛等軺 昌齡間道往請合謀出奇盪焚掉艇腥臊夜逍海隅逐 徒莫逞將尋海道潛謀越境公曰歸善彼有健令使子 奮介馬馳劈外斷重圍中如沸點槌卒突門得賊要領 道梗進逼廣城的軍不整悉以該公使當完獨躬先士 車即訊重繫半挺活死千餘恕吏一告儂變內侵封康 静有來自賊納之不疑雅弱棄道拊如嬰兒由是疲 遂闢南圍人安市井賊梯雲飛我箭火猛攻具盡推醜

| 銀定四庫全書

賞雖優子獨不速公初進官使者屢言功厚賞簿豈足 赴之如歸事已論功昌齡居最公曰吾子此亦何頼軍 勸旃再命增秩俄亦召還送者隘途涕泣留連再領西 倉積充總兵益利政成愷悌人圖其像配昔賢帥廣管 州儀及鎮戎二邦惠化夷漢懷風昔守用間謀撓其中 ているし ここ 至居民駭驚爭出避地公曰變情吾所嘗試此必好言 飛章辟公副貳天子嘉之恩節常比東謠交人浮海且 今悉 斤去遠近附從昔苦平難邊儲薦空今逢樂歲围 宋旭公仁美

多玩四库全書 是廣人伏其强明知有預備色居用寧還朝奏功恩留 既藏人孰與親維彼豐碑揭於大達載琢斯文飾以龜 年猶不得謝公方比時築室於蒲期以年至歸供吾廬 **辇下典領禁城匪躬夙夜封章告老上為慰籍七十九** 輔庶幾遺德顯揚於時用慰孝嗣終天之思 河之滸大筆摘詞鏡於沈礎然然孝嗣事靡不舉謂鉛 志卒不就人為敬數考終視履又何慊敷我我新丘在 爾泉毋避倉場夜火獨馳一騎至往視之大亦隨翳於

						CO. ST. CO. L. Co.		
=								
	i	t	i	1	1 .	1.	1	i
,	1	i	ł	١.	ł	ł	ł	i
•	4	1	l	į.	i	1		l
		1	1	1		1	i	١.
,	1	i		1 :		į.		l
-	.ł	i	ĺ)	Ĺ	i
	1	i	ı	l			ľ	l .
,	l	i	İ	1		1	l	
	1.	1	i			Į.	l	
	i	1	ł	i		1	1	
	ı	ì	1			1		
_	1	ł	!			1		
_	ı	l						
_								
			1					
•		1						
	1							
	1				۱. ا		. !	
							<u>ا</u> ا	
	1						1	
3								
7								
	1							
								i
							i	
			1					
Ė	l i							i
L								
-								
:								
						1		
•						I .		l
-						1		
5						1		l
•			1	1		1		
	1					1		
		1		i		1		
					*			
	1		l	1		i .		
	1		l					l
	1 -	l '	ı	1		1		l
	1	İ	l			1		1
		1	l			1	1	l
		l	1	1				l
		1	l	1	1	1		l
	1	i		1		l		1
	i '	1	l	ı	1	1		
	i .	l	1	1		1		1
		ŀ	ł		1	1		
	i	l	l	1	l			1
	1	1	}	1	i	(
	i	I	1	1	ľ			1
Ė	1	l	I	l l		ı		
-	1	ı	Ī	I	1			1
-	1	1		i	l	1		1
	1	1	l					
	1	1		1				1
	1	1 .	l	1				
	1	i .	I					
	1	1	١.					
	1	1		1			1	
	ŀ :	1						
	!	;					. 1	
- 1								
		1						

蘇魏公文集卷五十三				在一个 四月 石中里
公文生				7171
卷五				
ナニ				卷五
		·	,	五十二三
			`	

たこうし ここ 某當為史官躬覧國籍伏見祖宗列聖進用輔臣其選 欽定四庫全書 於衆試之以事功實著見而後命之太祖皇帝以神武 至遊雖軟才偉望或夙遭除會已知其可用矣然猶舉 砰鉛 蘇魏公文集卷五十四 一樂陵郡公石公神道碑銘 床 旭 公之集 宋 蘇頌 撰

當入輔初政然卒以湘潭之勞陞近侍參宥府從征太 定天下左右將相皆文武大熟猶曰宰相須用儒生仁 金好四年全書 射少師父子見之詳矣僕射自太宗皇帝潛邱歷藩僚 求賢於夢卜朕為取人望蓋聖主任輔相為天下公不 宗皇帝臨御歲人於豪羣萃後先命相謂學士曰前王 府佐者十餘年逮天飛已践左右省時謂不待資級便 之所載泊士論所傳聞事迹之顯著者於樂陵石公僕 以已私進退慎重如此居其位者有不得人手考簡册

客省副使諱質贈太子太師太師生幽州節度判官諱 自趙徙温隋唐以來又徙河洛今為河南府洛陽人唐 石氏之先胙土於衛邑相國於漢世都督於晉代其後 卒魏鄭公所云君公顯號臣荷美名其是之謂手謹案 朝文林詞禁老於近班乃預政事故主明佐良克有始 ていうこ ここ 延威贈太傅太傅生處士諱繼遠贈太師太師生僕射 原乃進上櫃少師以功臣子早得名位更真宗仁宗兩 **熙載字凝績少長五代戎馬間獨守先代為諸生** 宋思八之是

應諸侯辟命建隆初太祖受周禪太宗開侍衛府召公 顯德二年舉進士宗伯尚書實公嚴稱公所試賦有致 幕府文書畿甸牒訴悉委參畫凡經裁處皆合上意飲 昭憲太后持召入見即日拜右拾遺充職再轉左補關 君育民之志權置上科自是聲振京洛問韜光待用不 除出為忠武軍掌書記再從崇義公識度沈遠不以內 而遭太師憂方議墨衰權奪適有飛語聞朝廷遂格出 入泰寧軍節度使幕為掌書記尹正京邑奏為府推官 卷五十四

一金 近 四 库 全書

[N 2.) D. L. J. L. L. ... 官兼職同簽書掘客院事學士簽書院事自公始也四 年車駕幸河東遷給事中充樞密副使繼元街壁即行在 悉平入為尚書兵部員外郎充掘密直學士歲中以本 南討以公權知潭州軍州事督軍戎扮渡察踰年湖嶺 徐公休復皆進士甲等也未幾梅山蠻獠冠湖外偏師 **貢舉號稱得人故相司空張文定公翰林韓公丕給事** 擇天下賢俊黼藻人文之化命公同知太平與國二年 外為間參贊如常僚太宗踐極之月召復家職上方苑

多定四庫全書 節上心知其賢欲倚以為相故位秩屢進自尚書郎繞 之事衆所聞之之語又曰火艾久遠得力亦當大災觀 詔旨怨惻如此屬任之意可知也公益畏盈满累章乞 其第問勞如平生劫上醫旦夕診治又賜手礼有忠孝 院視醫炎久之赐告居家將護一日所苦浸劇乘與幸 進刑部侍郎充職如故五年制授户部尚書充掘客使 二春升省座而素苦足疾至是稍妨朝謁上親至樞密 公以統誠結主更試中外入為心奪出為股脏夷險一

素有爰立之屬故以授之寵數雖厚而疾不加損九年 亦自公始成平二年八月詔配享太宗廟廷慶思某年 朝葬禮皆加常等韶贈侍中有司益曰元懿上悲歎累 正月某日竟以不起聞上哭為之働即日往臨其喪罷 用布忽至此深可惜也近世執政既罷而卒車駕臨視 日顧謂侍臣曰熙載事君之心可謂純正無它適當委 辭情切至上不能奪八年秋特制超拜尚書右僕射 解掘柄國朝故事不歷平章事未有升端揆者上以

 欽定四庫全書 諸儒游誦六經百家言作為詞章如老成人十八獻文 命為西頭供奉官早服名教不為綺德事折節讀書從 表臣生十三年而僕射薨居丧如禮天子欲速官之一 推恩也二子長中孚早逝次即少師也少師諱中立字 館為直集賢院屬時右文天子修盛德之事君臣廣歌 闕下換光禄寺丞賜朝散服咸平三年以殿中丞入書 氏南陽郡太夫人繼張氏安定郡太夫人皆以子預政 贈太師中書令兼尚書令追封代國公夫人清河張 卷五十四 蘇 魏公文集

唱 與中山劉公筠賴川陳公越成紀李公宗諤游其藩更 充史館修撰糾察在京刑獄天聖四年以吏部知制 遷郎中以禮部判南曹移户部勾院仁宗即位轉户部 經其手四庫以為善本入尚書省為員外郎以祠 2. 7 ... 三司理欠憑由司以刑部 而公尤勤鉛摘中外書無不請校有疑好不輕塗抹 选和合如一律朝廷每有論誤公與諸公常在其選 領之音播四海內相楊文公一代英才主盟斯文公 利思いじま 賜銀青服兵部充鹽鐵判官 部 判

都省久之加大學士兼提舉祥源觀慶歷四年告老於 幾四十年近司要局文武選部無不總領朝廷典章文 士轉禮部侍郎加承古兼龍圖閣學士於時公踐臺省 不求赫赫名明年罷為户部侍郎資政殿學士判尚書 物無不綜練兩禁雜定見謂議論有餘而未當於己上 以為長者可用四年拜参知政事在位謹文墨循故事 同知貢舉歷諫議大夫給事中景祐元年入翰林為學 以太子少傳致仕皇祐元年遭少師其年八月某日

|多定匹庫全書

ということに 七男曰居簡少以文名顯諸公問終太子中允集賢校 薨於私第享年七十八天子廢朝有司歸賻如禮太常 祀大然易大名其践揚如此若其操行履方士大夫所 良祖溫祖冲惟二公父子相繼逢辰得位立朝有熟節 孟氏次完氏次沈氏七孫男曰祖仁祖賢祖元祖方祖 諡曰文定夫人張氏先亡後夫人王氏封太原郡夫人 理 曰從簡國子博士服公喪南五月以毀卒三女子長歸 曰夷簡大理評事曰昭簡太子右贊善大夫皆早天 蘇魏公文集

痼無 時論稱其長者事繼母牛太夫人服勤竭力雖躬負沈 非 終丧欲還本宗公曰在同亡别豈如存之事不聽其去 更中外完極極恭乃職一乃心造碎而言奉制而行是 稱道者又可得而述馬僕射事太宗由府從事至右相 異 分情保任與同氣等其在官也主平恕通簡居顯要不 好惡無所顧避上深警其忠實委任眷待終始不問 小職時事劇易一 一日廢定省甚則扶杖而前不見疲曳之容母弟 切倚辨待士盡禮敬出已上者不 卷五十四

金分四盾全書

趙公昌言少將二親依公家躬為教誨授書學文至長 立遂以大顯素善梁縣令蕭守熟後貪困公分禄以瞻 孤寡不能立者聚而衣食之僮隸之吉凶不能舉者憫 C. 5.1. 1.1. 其事曰公忠孝恭義惠全德具美求之古人無間然觀 及卒遗四子諉公悉為婚姻不失時如蕭之存親族之 斯言則公之行實可悉矣其家政門法蓋有繼述者馬 而資給之聞公之風者歎慕而則效故趙公作銘以 宋 鬼公之甚

能屈在下流者不使怨志欲成就 人物表甥故参知政事

少師樂易寬裕出於天資行不為產異仕不為的合操 無 所職凡領二十官五學士皆久次平除何朔禁省幾遍 修施為惟才分是守自解褐掛冠未當去朝廷淡然安 慎密不近名如此故平生寡過惟在外制日一坐舉官 斤是否或見聽納終不漏一言內制除命多不傳稿其 聽上裁可議者謂真得儒臣體在政府時有改奏不顧 而不處急流平時比牒並有或子姓行多雖取右職獨 語咨數對上前有所問但援故實沿章復熟講解

一金定四库全書

亹 故未當為人所皆怨蓋古所謂明哲保身者數善與人 晚年產入比其初幾二十之一亦不增殖惟待俸賜以 諸父昆弟培取 交凡游從無親肆貴賤先後輩相與宴飲笑語諧隱亹 為養退居遘疾醫藥殆不給仁宗知之特賜銀三百兩 不如狀奪修撰糾察屬員既不多取名又能協和與衆 引各自責不逮及相歡如初乃已家素饒財少時悉聽 不窮終無一言忤物當以論議小戻楊公退而移書 一不問有無所義即用為實客飲食費

一多定匹庫全書 景文公評之日如公才能門閥使之少事聲利嶄黨助 者莫能辨其得失雖然初若偃蹇難進卒以長者大用 退所存見於事業者又若君子之澤必在其後殁世五 是何耶聖主知人明而進賢之道廣也嗚呼二公之進 及薨第舍無存者丧事待賻而後具世稱其清尚書宋 言於上僕射太宗功臣少師仁宗執政其後嗣獨一孫 年而顯者蓋寡其有待耶元祐中予為吏部尚書當 墨五十四

垣之松欖森然如林盪矣朝請君既承祖重每念孙立 師食三十七百户為公爵其葬以皇祐元年十二月某 封樂陵郡亦不去洛薨皆歸葬馬僕射食實封一千七 今為朝請大夫利州路轉運判官樂陵之裔其庶幾乎 祖温陸朝籍名臣之世宜蒙褒顯祖温自爾稍見任用 日二家並稍太師坐之次穴子孫從葬者又数世矣闕 百户為侯爵其葬也以太平與國九年四月十三日少 石氏自唐占数河南世墓皆在洛陽縣宣武原二公繼 5

一 銀定匹庫全書 寡兄弟懼弗克勝後事惟是修飾墳墓表章遺烈可以 元僚風雲並馳漸階記室試劇王畿神功求舊協費惟 改術數樂陵之宗德音如在藝祖天雅羣龍異隨朱郎 文經光天之經懿行清規為時模楷四朝百年遺風未 惟元愷君臣一德旦暮千載西極東府謀謨亮采武律 宋有良臣世席台宰文學彬彬吉士謁該運屬勲華相 終其事其請甚勤至於数四故不得辭銘曰 塞嗣人之職謂予當有言詳知本末磐石碰道求文以

賢是繼克紹餘風田園將無門関益充雖洛天中三世 義理相應鳳掖鑿坡代言書命徊翔二紀不終不競終 丘封維 以夙望參毗大政難進易退委遠時柄歸老都門考終 一魏章聖治定仁皇繼聖樂善好賢詢咨舊姓英俊並遊 幾南抗州節珍獠平夷北從戎路俘元走奚奮庸宅揆 こうこうこ 順正是為文定之行後終有慶盛矣二公孰亢厥宗象 同儀鼎可雖稽拜來卒配然異於戲元懿之熟一何處 祖維父墳闕相通維孫維子堂構斯崇載銘隊 年 見 心 足 本

樂壽是也樂壽之族其別有四一徒尉氏一居饒陽 多定匹庫全書-河 在平昌一留故土不去其後尉氏有仁軌以功名顯饒 路玉昭世功嗚呼樂陵之聲垂裕無窮 而河間之胄自章帝之子開始昨王土傳國久遠遂居 下千餘年間小宗别子枝離派析或顯或晦散在四方 間之樂成王之十世孫通仕後魏封樂成侯樂成今 劉氏世為堂族蓋二漢享國歲久分王子弟幾遍天 秘書丞贈太師劉君神道碑 卷五十四

官或入諸侯慕府無甚達者侯之裔孫曰續避地遭安 陽有君良以孝友聞平昌有黃以文學高第名重當時 孫曰崇少長謹厚輕財好施予鄉里稱善人有子曰威 東光縣累世葬其地曰五德鄉遂為東光人績之四世 陵以財雄鄉邑而不仕宦安陵今曰將陵隸永靜軍之 克繼父業城之子曰温 潜德鄉問號稱處士處士之子 惟樂壽之子孫最多至以劉名鄉其仕者或入朝為郎 曰格力儒自奮治左氏春秋兼通公羊穀梁二傳景德

占名輸租以庇里役者府君案實履敵取租無土者皆 州陽信二主簿陽信主田之入素厚然無見土大姓有 家學舉進士府君中天聖二年两科歷大名府館陶棣 恭治毛詩次即府君也諱居正字安行季曰居業並承 書判入等改吏銓選終滄州觀察推官生三子長曰允 初契丹入海瀛關都督士民城守以功補三班奉職試 除其空簿使歸役籍郡官初哂其迁且疑其獨異它日 訟起旁縣扳援證建建者干餘人始悔不用其言遷

多好四年全書

興縣兼兵馬監押割劇折煩治為一道最色之富民李 漢州軍事推官用薦者改松書省著作佐郎知青州博 至使郡大吏移書縣官靳善遇之府君得書立捕於庭 氏子以常與進士鄉貢使氣任俠陰結貴要以張聲勢 江華縣楚俗喜訟雖健令決之盡理猶恥不勝則又赴 釋之所以勸善於是或者又數其恕而有教就移道州 而釋之或論日得情不治無乃惠姦乎對曰知過能伏 下疏其前後不法事李叩頭汗伏聽命請自新遂戒告

能竟府君一訊情得不復異詞自是遠近信聽微訟為 能多以它都疑獄屬之若衡陽譚氏訟家産事累劾不 案順剖析開譬使之晓然兩造皆憐慄而止監司知其 為之謠曰我民無忘前劉後黄至今東南人猶能誦之 訴於州於使者前後相望獎浸不革府君則悉索新舊 之衰息至嘉祐中有令日黄照亦以思信得人其里民 罪為能持心平恕或独於不忍而以省刑縱出為九是 凡世之言吏治者益事明察或喜於得情而以不失有

一致定匹庫全書

卷五十四

皆中有所徇者不中情實遂成偏黨之敬若乃明恕兩 たいうられた 官舍時康定元年八月初十日也夫人陳氏都官郎中 十有四官秘書丞自江華千里鞫獄衡陽遘疾考終於 為者非夫至誠不疑內恕及物其能致是乎府君壽四 威愛殁且二紀而人猶懷其德此其實跡明效見於事 得切近人情察見好伏而舍其既往不自以為明治有 士甲科歷監察御史御史中必尚書左右丞中書門 希古之女先府君一年 而逝生二子伯擎嘉祐四年進 蘇魏公文集

金分四月全書 *五十四 古長書皆右承務郎自孫女未嫁此其家世源流之遠 郎孫女三壻日右承務郎蔡籍韓誠右承務郎趙仁約 會孫男七日長古長庫長守長歷長言長廣長書而長 政雄州軍事推官前知鄭州管城縣曰蹈奉議郎早亡 路安撫使仲周六幼不育女子四三適人壻曰梧州司 侍郎尚書右僕射今為觀文殿學士知鄆州兼京東北 日蹟越州會稽縣主簿前監國子監書庫曰路右承務 理參軍梁懿某郡尹之才某郡唐灌一幼亡孫男四日

とれるいろ いかか 府君弗忍亦不能奪解所分又不得因受臨津田數百 上撫下家庭雍雅世故饒財其弟年少好遊數欲析産 然亦家法所漸有自來矣府君早失怙恃昆弟敦睦敬 今猶藏去以比李西臺建中其為學多藝雖出於大資 所著甚多以早亡弗克編緝放失之外今有論議詩賦 初模範二王後兼採唐人用筆法有得其行草帖者至 雜文總若干篇嗣子賴次為二十卷藏於家少好書籍 非積德之報孰能威大如此乎府君好學敏文詞平生 蘇閱公文集

若擁孤與觀歸故東光佛寺其孤莞然服衰寫外舍鄉 畝陰界族人個之終不取也及官陽信買渤海田占於 若從行在旁伯氏得計自將陵走五十里抵衡陽與孝 之甚温訓子極嚴或勉以一子盍少縱之耶答曰政以 爵里惟稱東光府君性莊重寡言望之若有標置而即 郡籍而躬未當一到其歲租亦以贍族人以墳墓所在 人共哀之伯氏曰吾弟孝友不欺鬼神所鑒豈止是而 一子故不可不爾耳其亡也子總十齡夫人之季弟孝

金分四月日書

寧四年丞相為御史謁告於朝自東光奉府君之极自 已也士大夫知者亦曰斯人世著德義其與未艾也思 城縣盧泉鄉太谷山之陽將陵故塋封植久矣比歲數 將陵遷大王父母王父母以八月庚申同葬於鄭州須 出辛允地合實典語堪與者咸曰劉氏其不亡矣初丞 欠い了るした 外郎至通議大夫大人自福昌縣太君至賴川郡太君 相自御史至中丞五經需思累贈府君自尚書屯田員 有河患乃謀改卜三世同擴用甲庚去穴山陽重岡水 蘇絕公文集

由執政泊元祐四年明堂恩兩贈處士君太子少保此 倪氏北海郡祁國太夫人推官太子少傅太傅姓李氏 康國太夫人又以宰相初拜贈處士司空妣衛國推官 體奉祀又得造浮屠於瑩側劫號將陵寺曰崇先承慶 一品封城崇臺築關如今丞相殿本邦歲時展省以年 贈推官太傅此韓國府君太師夫人熊國三世墟墓以 司徒姓定國府君太尉夫人慶國七年以殿學士郊恩 西郡崇國太夫人府君太子少師太師夫人賴川郡

金只四库全書

崇顯赫極人臣之榮非獨稽古之力抑孝誠所感神之 須城寺曰昭善崇報母歲興龍誕節得度净人如何追 ころこう こここ 僚某某與必相遊從有素望府君為前達雖未當接迹 史氏於時丞相鎮天平之二年將勒銘神道假文於當 任公粹為之狀故参知政事元章簡公為誌葬之二十 聽之信不虚矣府君殁世三十年而葬有故太常少卿 固亦講聞其德義矣然於閥閱益有不知今考三公誌 有三年又有今龍圖問待制趙公君錫狀其逸事以告

多定匹庫全書 樂成漢魏再封世踰十八爰遠司空系青蟬聯慶鍾在 狀與所聞皆合故得詳述其本末以慰孝嗣追遠之志 與者鮮威德有後雖微必顯奕奕劉宗肇於沛豐河間 公侯之與有來自遠源流深長支實籍行武穆文昭不 而系之以銘曰 取中貨無占虚田明見隱匿仁寬宿愆人謂陰德其後 公公以學仕文科丙第資適達時儒雅飾吏婉娩通閨 翔中私德厚位界光流後裔有行有言鄉黨稱賢不

とこうことこれ 衣黼裳遺風餘烈有銘在穴耽耽梵宫我我石闕拱木 皇城使雅州刺史姚君兕與其弟西上閣門使英州刺 成林豐碑象碣於昭德音綿祀無絕 坎庚壬申三世之藏葬以士禮朱帝銀章祭則三公家 邦便蕃龍數維孫暨曾稟承厥緒大谷之陽有封若堂 信然英英冢嗣國之碩輔據鼎廟堂擁壓帥路故國新 一蘇既葬其先府君三十有五年矣會天子熙寧十年 隴千姚将軍神道碑銘 蘇親公文集

金分四月在書 臨潢每接緒談必及先世因得詳其本末遂揭辭於嫡 而崇孝思乃狀其閥閥丐銘史氏時子適與英州同使 冬十一月親郊肆敢推恩在廷得以追責先世如故事 壤者數四矣然而丘墓未表神道不嚴非所以旌功烈 死 於是列上府君前此所贈官加贈某衛大将軍制書始 功 名而吾兄弟幸得承緒餘班朝列蒙國厚恩漏及泉 於國事關隴莫不稱其大節雖此年凶關不克終其 相語曰著令三品得立碑墓左我先人以忠義 卷五十四

九二日日二十二 寨民兵巡檢漸完使南收隆消河有勞聞於朝廷未推 境四十里祭壘其傍土人謂之姚氏堡曹公嘉之為四 於是發私財募五原子弟千餘人大城隴干遂闢其西 我知其可任召與語曰若知六盤山西良田萬頃久陷 我與相遇軟惴慄不敢校景德元年曹武穆公瑋守鎮 其挽强中遠益有絕於人者故鄉里皆以硬弓目之羌 **屬疆岩能以力開拓歸中原則世為邊圍將不亦善乎** 石云将軍諱寶字某家世五原人父諱某少以武健稱 蘇魏公文集

時元昊須固西師連年不解将軍獨乘一障志期自效 為其材武仁宗皇帝召對便殿擢左侍禁隴干都巡檢 賞而卒關隴之人咸謂功顯名晦必將有後繁行之澤 後降黨留生羌破煙景雲等番部功力居最守將連章 其在将軍将軍好學知書長於騎射以翹勇繼父任前 康定元年春贼欲由東沿州乘夜寇邊掠近山居民将 遷避他境賊無所得既歸伏發皷噪迎擊斬馘首衆其 軍得其要領陰篡死士至期伏隘路縱賊入境居民悉 卷五十四

金豆口屋白書

獲生口悉留不殺亦不自言功由是邊人歎服而謂有 又こうこと ことう 利 氣不警親友或勉之云數以孤軍當賊鋒萬一失利餌 陰德前後大小三十餘戰皆為先登體被數十割而勇 敵何益異時遇寇宜稍居後殿以奇謀破虜足以邀美 敏與勇較者十餘日官軍不利将軍同陷於賊朝廷 便當奮擊何暇自營顧慮而以驅命為計乎的不負國 雖死寇讎吾得其所矣定川之戰涇原副師萬公懷 不失為良将也将軍以謂凡被堅執銳者堂敵間聲 蘇 饱公文果 九

一奇節或自致富貴或不脫患禍益義之所在不以勝敗 傷優制贈某衛將軍厚恤其家官諸子弟者幾人是役 為重輕若将軍起疆陸捍邊圍雖不能俘戒首覆屬果 志是宣的免以蹈不義者耶古人所謂接抱皷立於軍 相當自是元昊勢益窘矣未幾遂有納降之請則諸将 也雖軍帥失律偏師不返而殺暑找馬破盗區落益亦 以成其宿志然躬當矢石卒死屬境顧其平日自誓之 死戰功不為薄嗚呼古所謂名將師者或建殊功或立

金定匹库全書

謀來兼卒如隴之人言云耳夫人同郡杜氏實生三子 龍圖閣直學士王公才叔之誌馬將軍以慶歷二年冬 年二月終於秦州季子官舎其婦德家範具於涇原師 仲 畧相繼取貴仕七孫皆用戰多補官抑由忠義之訓貽 縣中安堡雕絡川之北晚社夫人後亦合科其擴銘 十月二十二日殁於陣以明年閏九月某日葬於朝那 門使百姓皆加勇馬者其將軍之謂乎其後二子以才 曰熙早卒兕麟孟季也累封壽安縣太君以熙寧八

● 金
会
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一 郊 首有在死復何愧攘狄惟雄盡節惟忠世亦有人繼成 華仁宗伐叛平陽血戰將軍從之卒同死難我雖奪軍 拊 師濯淫有帥有士作我長城在章聖世武穆作的殪遷 **虜亦過奔帝念邊戍復許稱藩人道所貴曰生與義義** 四序殊時五方異土霜秋氣勁崆峒人武夏戎不庭王 顯庸矯婚嗣子能濟其美並收戰多偕取祭仕天子親 明威肅遐裔師之爪牙姚出良家開斥土境華茂為 推恩在朝再領鄉典責彼泉舊朝那故里淫水之矣 卷五十四月

道旁以警諸羌忠義所激人思奮揚 子弟昆定川之殿衆懷忿怨視彼雠方終期盪於請碑 填在馬過者必止職人有言姚為壯門功名才武父 į 休児へと Ŧ

蘇魏公文集卷五十四				会が以及れる
五十四		٠		卷五十四

欽定四庫

蘇魏公文集卷五十五

檢計臣何思的覆勘 校對官編修臣盧 總校官進士臣朱 磨録監生臣施

遊鈴

詳校官庶吉士臣朱 理

華

欠いりましたら 奮逐中景站元年進士甲科知台州臨海明州之野杭 Charles of the second 強 鳃公 之 集 王孫以學而君又力志自 其先世皆不仕至君之 蘇領 撰 第事年六十八為人嚴整守法尤精吏事始為臨海時 檢院出知潤州陸對賜三品服到郡以疾得請提舉杭 作坊充提舉司勾當公事自校書郎十選至尚書職方 歲 那有美得便近官復通判潍淄婺三州代還主管北 州之錢塘三縣事通判泉州坐法降監衛州清酒務以 未行改判刑部又改三司題鐵勾院或權發遣由登聞 郎 中衣五品服為開封府判官差提點成都府路刑獄 洞霄宮以熙寧七年六月二十一日終于蕪州之居 老五十五

金万四厚全書

所殺得敝裘與尚擔之人適相類者即訴于縣其人 于改作君至為之升降户等皆得其實人以為利泉有 八奪其資貨君悉為究訪且知主名區處募少壯千餘 人自以不冤郡上其事時相才之進官雖一等錢塘縣 商人負擔出而一人獨過期不返其家意為先歸者 州郭生齒繁夥而版圖不治賦役常苦不均舊令憚 尚少縣境瀕海多聚盜攘羣不逞之徒時或殺傷良 旦與度海以計禽之窮治得其實抵法者百餘輩

能自直透誣服誠殺之云棄其屍于溪側官使人視之銀灰四庫全書 諸塗而歐之至于斃州将當其抵死君固爭不得遂請 郡皆數伏維州有里人欲行其兄者其兄以告它日遇 城下乎且其人存巨未可知因揭于道以訪後行者數 于朝果杖而釋之在婺日值二浙大水都水范師道奏 君省案摘其情曰豈夜半殺人而能負重走百里且至 日果有人言當見之于它都即召而歸之囚遂得釋 則腐敗不可識矣雖縣吏亦以謂真殺人者乃送之州

大きりき たう 治纖毫不貸然皆無實狀乃坐以官兵送舉子為私犯 官錢塘至京師待次審官當得泉体而吏受財匿其籍 方工作事器物皆犀利連中賞格遂自提舉司性佐省 都水是之方欲行其說會議論不同而止入朝典領尚 君提舉蘇湖常秀水利事因言清瀝浦可治以泄横流 州轉運使心惡其以爭得官欲据以事歲中起大禄案 君懷不平乃訴其事御史鞫實真吏于法而君卒得泉 府所至吏憚其詳察不敢舞以事號稱辦職馬初君罷 **漁魏公文集**

金分四母全書 宗族厚好賙人之急淄守卒賻叢其家甚厚州人有遇 君淄州治狀始得除過其後數奉韶推劾大獄能得人 毒將死親為利臂和樂活之當推已財以與同産嫁外 情隱伏未當有所縱舍以市恩朝議以幹健許之其無 遂謫去凡十餘年不徙官會歷丞相為淄青安撫還言 陽章氏封基縣君子四人筠常州無錫縣主簿箋顏州 以君登朝為大理評事致仕後贈尚書刑部侍郎娶建 女之孙嫠者及其丘也家無餘藏曽祖郭祖仁厚父僑 卷五十五

品歷臺省刺藩部追貫其先君有子第進士女皆從士 世資籍結髮從士子遊以文學起家禄仕四十年官五 龔程杭州節度掌書記程寬皆其壻也君出白屋無當 復秘書丞唐殼海中胸山縣尉范汝楫察州司户參軍 崑山縣主簿釋太廟齊郎等尚幼女五人太子中 京易操人或譏其深峭少恩而君自信深篤豈所謂强 立不懼者敢諸孙上以元豐元年其月其甲子葬君子 亦儒者之榮遇也又能動刻自仕始終一致不為矣

灰足四年 上言

蘊 魏公文 集

建发中压石量 履歷將求說于墓石於是次子箋以當為予從子肾自 蘇州之具縣其鄉其原前期與其肾劉復狀君之行事 其家來抗請於予顧多事未暇次述及予還京師而君 已葵矣箋又繼至其請不已故為之書其説以表于墓 朝議大夫致仕新昌石君諱收之字聖咨慶歷二年進 墓碣 朝議大夫致仕石君墓碣銘 7

是嗜未冠從鄉舉籍籍場屋間宿儒父兄行皆罷重推 士子同年生也姿前沈雅志操高速幼無它好惟讀 てこうこ ニー 遇皇祐明堂嘉祐治平元豐登極需恩者四見保甲 宰滿歲用薦格改著作佐即九遷至朝議凡歲課者三 故相王荆公知鄞縣櫃直陳公襄令仙右號江東三賢 先之二十七登科試秘書省校書即知縣以便親就 地有勞減年者再凡知江寧鹽城雅丘三縣通判 杭州新城尉移台州天台今自初任已有能名于時 退以しま

監在京鄉院其鹽城雅丘越即用近臣別薦最後朝選 多定四庫全書 知温州所至治迹見紀初餘杭發十縣官部丁夫治浙 以親疾請侍養不待滿罷去入朝為越王宫太學教授 湖舒建四州而江寧温湖以别薦服喪避親不赴建安 江限岸未幾秋潮漱齧毘壞獨新城所治無患太守方 至者若王景山余京方援伍原輩同時出黌下後皆為 公偕嘉之為言于朝增廣天台縣學擇鄉先生居師 任以延俊造縣事間則親為講說速近嚮慕負笈而

為近古備吏之政鹽城海窓驚撓鄉聚州使督迎追捕 訓教使急歸奉養後二十年行李過其境上母子近拜 餘命軍校部勒教以兵仗寇聞尾伏鳥散熙寧初頒常 符移神至初不為動徐料村社义户得勇悍敢前者干 馬首曰無状子自家教戒感懼傷厲遂為善良聞者以 令者訊之無大故乃呼之前喻以子事父母之道丁寧 聞人陳公當為文以紀其事先是己有母告子不稟教 發飲暨役人免募法州縣急于期會因致煩擾部遣

次已四年 在馬

雅 魏公文集

鹽禁益密縣隸相望而犯者不少衰止歲課虧損責 性 寝以成獎因舉行火保之令預為約束使知有犯縣 政素急颶風至則炊焰綿豆姦人利救焚攘致吏恬 悉競前俄項而撲滅自是其與遂革又惠州境近 行未盡而止然猶被保甲收地之賞始治永嘉病水 グセデ 权獻察訪至雅立詢之父老咸曰編户但知變法 知變法之擾以獻以聞朝廷方議褒擢後使者以為 日火作親率部伍視益揭便丘之不悉力者收 1:111 卷五十五 鹽 而

欠己日 見 編軸好事者集成二十卷目曰永嘉唱和云罷郡時 無事間或會買像追文酒之樂繼以酬唱篇該不日 舉于而不利長人乃該曰有是乎立命撤屋開路自爾 私門實販既無所得不數月刑省而課美州郭有通衛 每停竈於閉牢盆出納須監官與捕吏親臨蘇兩不入 **衢衢不絕後累有登科者温人至今德之久之治辨** 名五馬関塞不通人行父矣問吏屬則曰俗傳闢之利 ALL CHAR 撫 魏公文集

郡官于是為設方畧急監臨而寬捕吏限以養海之

去服玩青編黄卷亦不復問覽居常點坐世累都遣 省調十年而廢宴會撒筆硯十三年年七十九矣盡屏 金万里后己量 日盥沐更衣就寝無一 游息山水間友于羣從超然自適如是三年而絕州縣 里即祖居為宴坐之地是時昆弟罷郡退居數人相 生窮達為一致故淡于崇利精力方强遽知止足還鄉 早属士節出處進退不斬尚得晚年通性命之理視死 才六十六遂有歸休之志上封告老以本官致仕聖咨 語喀然而遊雖脫屣蟬蚁無易

我得之者耶其性質純茂孝友忠實雖勉勵敦修之有 禮子孫之戒纖悉無遺者門人葉經敏其始末為往生 篇有古人風後以時政十事上韓魏公如錢幣鹽法之類 少時皆贄所為歌詩于范文正公公謂其孙鳳晚望二 素抑所稟賦之本厚耶故嘉言美行為人稱道者多矣 録嗚呼達生悟理神識不昧泰豫若是豈力學行已自 於此時元祐八年冬十一月十三日也有遺書一編疏 五十餘事處理家政至于麼飲之具喪葬之節實客之

多定匹庫全書 子男子五常州晉陵尉景零早卒進士景需明州奉化 術可知也室壽昌縣君王氏尚書屯田負外郎貴之女 宣獻公杜正獻公當以在朝不及薦用為恨觀當時名 歸老過温其子以方為倅貳公每戒之曰善事石君曾 君文雅縣今淹才順碎之務委之佐尉可也趙清獻公 論解經訓傳雜文歌詩總七十卷藏于家見其書則學 皆見施行在天台日太守元章簡公待以僚友當日如 公賢卿許與之言則人材可知也其著于筆札則有易

景需就養不仕景雯踐父官諸将業官鄉舉有聞孫二 局葉庭實澤州陵川令王慶史南劒州将樂縣今江汝 錄見抵且板先君同勝之契丐文以表墓踐時予方有 某日葬于縣之九巖山某原冢瑩封城悉如遺書平日 十五人曾孫七人景雾等奉治命以紹聖元年十二月 言進士張褫馬景文李景常虞芝皆其壻也諸子世學 尉景零天台令景雯娜貢進士景震女子七蘇州長洲 て. アシュ 經畫之肯景雯自越干里之潤袖書與祠部君所述行 無鬼ンしま

熟思盡述終之志可無紀中案石氏系出青社唐季初 甚久又當論天下士族知新昌之世且嘉孝嗣往復之 多定四库全書 勝同時昆弟三人在選中而居顯仕者相踵枝葉繁行 祖其避地徙越因家新昌曾祖延俸仕錢氏為其官祖 家故未追屬葉中歲再至請益彪每念平肯與聖咨遊 渥隱晦不仕父待用贈金紫光禄大夫祖孫居越數世 百餘年遘聖代右文得以詩書教子弟天聖中世父侍 始耀進士第官至秘書丞自是登科者常不絕慶歷 灭

大きりをときう 學充乎中行者乎外其有云為名稱必大在己所安存 銘云 從進士者又倍于向時嗚呼盛矣故悉書之又係以喝 但化游神定泰嗚呼聖咨考履無悔善生安死今名如 墓誌 進退及物之利中和惠蒙仕而知止終遠辱殆沒不 太子少傅致仕贈太子太保孫公墓誌銘 強 魏 公文康

賻邺甚厚為罷垂拱朝一日持遣中使存問其家事 贈黃金百两制贈太子太保陞其二子官一等 治平三年七月癸酉也公之费也天子以先帝執政臣 第麂後十九月乃克葬于開封縣新里鄉之劉柴原實 拜太子少傅致仕以其年十一月戊辰薨于春明坊居 牧制置使後二年二月以疾謝不能朝乞上還所居官 尚書禮部侍郎参知政事孫公諱非以嘉祐七年三月 一封求解畿近拜觀文殿學士無翰林侍讀學士同羣

金牙区屋 白書

T.

卷五十五

其言行功狀錢于石而納諸擴云公字夢得眉州眉山 親為齊郎有司案禮令集尚書官益曰文懿其葬也 當對文調成都尹凌策将以童子薦之顧其幼且 議請銘于公當所親善者謂無若基厚其于是考察 初名貫字道即生五年而學為詩往往有警句傳 祠部邊開封府推官徒判三司開拆司又 通判絳州代還試學士院以太常丞直集賢院判尚 止後界舉進士更今諱天聖八年拔甲科擢大理 j 無思以し表 試中 低

修撰如舊又再選其官禮部侍郎嘉祐五年四月程太 重達其誠而不忍使之去外乃授以學士承古無侍讀 書曰臣無狀在臺閣無所補益願得一州以自試朝廷 多定四庫全書 祐五年五月拜右諫議大夫權御史中丞在職二年 至吏部即中又帖其職為無侍讀學士充史館修撰皇 右正言知制語慶歷二年名入翰林為學士三遷其官 握公為極密副使不盡八月遂參預大政馬其别 解樞密上念大臣數以言罷益與其選用乃不以 V.

同譯經潤文公自登朝迄謝事楊歷顯劇通三十年 又有言責故事不無他職得請解審官自是以為著令 課績出疆為契丹國信使其為中丞以憲臺綱紀百 司無門下封敬權知慶歷六年貢舉私察在京刑欲提 文館尚書刑部吏部流內銓都省知審官院通進銀臺 自性近職歷判登聞檢院國子監太常寺無禮儀的 二府同修樞密院中書時政記提舉三館秘閣書籍 諸司庫務體泉觀公事磨勘諸路提點刑獄轉運 Į 司

後聞公議事平恕稱之曰老成人所為固不同在兩禁 得盡其才而助成治道矣方是時上委政二府而宿望 用之殆遍誠願責其遠致毋以一事不效去之則人 慎勤儉任賢納諫故能事恭已之名而延卜年之慶他 **曾從容賜對語人君大體公對日人君繼天保民惟就** 多定四库全書 兩 日又問求賢致治之道公曰方今天下所謂賢者陛下 大臣在外者久不進用公意以此感悟上上欣然開納 服親喪解職五載自是不去朝廷持為仁宗所題待

将即極任非持宣政之比若輕授之是棄祖宗法也上 聽用內侍王守忠特恩選領武寧軍節度制下諫官御 即 有不得于心則抗章論列指切時病一無所避然其言 史固爭不能得公最後上疏曰太宗時王繼恩有軍功 不過授宣政使今守忠信宿舊然無繼思功而節度使 五年壹意文翰語未常及朝政暨為中丞訪天下事 日為追寢守忠命温成后之喪大建陵廟公言本朝 而事顯不以激計為直欲人主信而易行以此多見

一 致定四庫全書 用敦厚有經術之人使寬天下財利前以趣辨應猝為 諸御史求對面陳非便至再拜以請上亦為改容避謝 宗廟事皆集三省議乃定請以付外如故事不報又合 任職則抬克之愚滋長矣諸公深以其言為然素喜薦 臣有勞不可以官賞恐繳功者生事于夷狄三司使宜 士善論人物其薦御史得今河東經界唐公介高陽 公所放也在二府雖不久而建言亦多當謂承平世邊 其後罷立尼日去廟樂園陵使得更為監襲葬事緊

内嚴謹性至憂畏不妄舉動既貴益甚人或譏其太過 數得接公論禮事每議下則使僚屬各陳其所見聞 撫吳公中 亦 後為之裁定以此知公之所存也公為人外簡易而 則物莫之忌詩所 不為少懈至遇事有所陳則提然若不可奪者然而 而士論不以為矯蓋其守也固則勢不能撓其發 旧款靡有緣飾故言似激而人主不以為忤 復皆一時之傑也公再領太常 謂淑人君子其德不回者公得 旗遇公丈長 某時為博 性

為定于是士大夫稱公平允無適莫者多矣自少好學 陳公方重不倚亦有過人者如此名則已甚矣易曰恭 通古今趣尚體要不以辨說為博治每侍通英閣進讀 是罷政事及薨請該有司博士初益榮靈公執不可曰 部獄事廢置由已專權取必非大臣所宜為者恭公由 其怒後恭公復相公適執憲又疏其強毅自任及妾張 矣初陳恭公當國公當用翰林舊事屢見于中書已觸 可也論難人不决至請于朝廷又覆于尚書卒用公言

一多定四库全書

體蓋似其為人有集三十卷目曰其集公年六十九而 當不反覆開陳欲人主洞見本末曰書傳所以記此者 草書至前代君臣亂亡禍敗之際告所諱避不講者未 請還政親舊有勉以年未至者公曰强力而仕不能則 正使後世以為戒故不敢暑也文章質厚簡重自成 疾不起前勉公者乃數其知命深而信道果也夫人 氏累封某郡夫人夫人同郡大姓也三姉母歸里豪生 止兹可勉乎于是得請休養其家與閉自適卒以是年

||欽定匹庫全書 當去具籍至公之七世祖朴乃徙長安仕唐武宣世掌 求昏亦不拒之又為之保任其子若孫任者數人子 雅氏自具將武後世居富春其族盛于江東且千年 官員外郎勾諶太常寺太祝宋奉國孫七人仕者二人 祝女四人適我州較 道尉蒲獻卿太子中舍彭敏行都 子者又相嫁娶頗以寒士疎公公既貴而三家者有來 赶國子博士佑甫大理評事早卒結林並太常寺上 宗書記其子長孺亦攝彭山今平官唐季多故

子孫因家于眉山以聚書治産教子弟親田疇為事而 欠こ日直によう 巴內信造次必于儒者接人恭而盡誠居官靡有過 于開封乎惟公以儒生起速方遭時得君自致公輔 太子太師三世之配皆追封國太夫人可謂盛于西南 諱昭為太子太保祖諱那為太子太傅父諱著明為 而諸孙遵奉遺誠卜葬開封不復西還其後又當著 推生産與諸兄而讀其家書以舉進士及貴贈其曾 、號其家曰書樓孫氏然不仕己四世至公始脱 **热魏公文集** 뇠 1月)门

其所履無踰厥中匪積之厚爰德之充鉛以昭之部平 朝有正議孰謂進取進斬辭位爰始發雖暨于考終視 憚公貳台司天子之知寵至益戒力極而解孰謂不為 學不至至之惟難在公無愧公為通臣修潔謹此內備 古之儒者學然後任語點弛張動必由義其行有常不 若是行義若是皆宜銘銘之故吏職也銘曰 顧問進退循循公執風憲其言蹇蹇莊色于朝匪躬之 艱于進而勇于退卒全功名考終牖下爵位若是罷業 卷五十五

無窮 江表士大夫之世曰唐季之亂四方豪傑與京都士族 往往避地江湖李氏能招攜安輯之故當時人物之盛 子志學之歲侍先歧公官洪井因接江西諸彦頗能道 減唐日而文風施及其後裔今名顯於朝廷者多矣 則與前說相合公之裔盖出唐即公律之十一代 欲訪求其人而載述其事後與南康李公遊詢其世 龍 圖閣直學士知成都府李公墓誌銘 ŧ

多定匹庫全書 以為衛陽令時壽之從兄郁為梁陽門使上言壽父子 **濤遭天祐宗室之禍與其父間關南魔流寓湘潭馬商** 也間道獨行一子不能從遂留江南其裔孫曰宗誨因 大夫光禄生公諱常字公擇力學自喜多聞强識為 入皇朝終官兵部尚書封莒國公號為名臣莒公之還 里號處士處士生溧水縣尉諱東以子貴贈金紫光禄 占數于南康之建昌縣生知籍父產棲適不求仕進 族湖外可哀韶商遣還京師任後唐相漢祖歷晉周

ス・ラシ 職曾魯公以公名應詔名試學士院貼秘閣校理俄 察推官監連水軍轉般倉年少處小官而方重自持不 也權皇祐元年進士甲科歷斯江二州推官權宣州觀 章敏捷初若不經思慮及成屬寫深雅識者知其遠遇 為御史名稱當世扶滿改大理寺丞韓康公任三司使 妄笑語上下敬憚之發運使楊佐欲薦改官公推先其 辟為檢法官徙編校史館書籍英宗即位命輔臣東 劉琦楊公數曰不見此風父矣乃并薦之琦後亦 無鬼以し其

喻意不聽章十數上其言青苗尤切至的使分析 天下固己大駭而善士不復與矣荆公遣其所親厚往 士猶或與之至于均輸青苗之法取息飲怨傳會經義 制置三司條例司檢詳官無看詳中書條例並解不拜 力疏武之以為始建三司條例司雖致天下之議而善 權判尚書考功由太常博士換右正言同主管國子監 史館檢討王州公輔政大議改更法令與公素厚引為 公事時始作新法諫官御史論列其非是皆斥不用公

多定匹库全書

發屋破柱盡拔其根林自是姦不容匿境內遂清始公 無虚日而不少止他日得點盜刺為郡兵使直事鈴 家居請罪者累月于是落校理通判滑州歲餘復職 在江夏吳興政尚寬簡日與賓客縱酒嘯詠吏民安 迹 捕及門禽 任使之因詢其姦狀對曰此由富家為之囊囊官吏 州徙湖州又徙齊州齊素多盗公至痛懲义之 治及為濟南頻峻文深抵郡亦大治由是 (以獻則免矣公乃今得藏盗之家皆 論報

一 歌定四庫全書 郎寄禄格行換朝散郎元豐六年召還試太常少卿公 為美雅後亦少繼者今上即位進吏部武户部尚書部 賜三品服未幾遷尚書禮部侍即自少常轉儀曹時以 以職事陸對占奏間雅上為改容及去猶目送久之遂 以言去國十餘載至是始歸士論莫不喜其復用既而 部獎諭徙淮南西路提點刑獄歷尚書祠部度支負外 東諸郡公捍禦得其要領一郡獨免惠部使者以聞持 知其通球適變所值無不可也是時河決靈平泛溢山

慎疑獄擇儒師修役法觀其目與當時所宜則公之志 錢治與泉密市舶之法其後朝廷多行之逮今人以為 其願則庶幾可久也元祐赦恩蠲市易通租不滿二百 使民俱出實則貧者難辦俱出力則富者難堪盍各從 百官轉對公上七事曰崇蔗恥存鄉舉别守宰廢貪贓 ていうら ここ **緡者除之公常請息過其數亦宜勿收而復舒鄂諸州** 可見矣又案役法差免二科折衷為書上之大意以為 無新陳便民者良法也論無彼此可父者確論也 流 跳公文集 手

事人未決章至六七上執前奏不改又遣吏部侍郎范 龍圖閣直學士初河洪小具議者請開於河分殺水怒 學者所長其論省官請别自致因人兩逢以觀其才實 自孫村口截河為堤導還故處部公往視之還奏非便 便自朝奉大夫五遷至中大夫拜御史中丞無侍讀加 多定四库全書 患亦竟未息也其論取士請分詩賦經義為两科以盡 公百禄給事中趙公君錫覆案如公議罷其役然河之 凡所言事多舉大體務在廣諫諍抑僥倖戒激計皆本 卷五十五

無不駁痛以為善人云三國之不幸也公幼有至性事 親謹筋服喪居鄉遠近稱其行義仲兄布早卒事嫂 鄉縣傳舍實元祐五年二月二日也計聞朝廷士大夫 不拜出知鄧州數月徙成都府行次陝郊暴疾卒于関 之忠厚寫于世教當謂已之所見有得必入告于上纖 悉不隐若其随時所趣以排擊取合則不能也其自信 如此故忠言密啓世莫得而傳馬罷職為兵部尚書解 而嚴視其子如已出自奉清約俸賜皆期其族指館) ... 無鬼いしま

軍丘楫封丘主簿黄权数公風度凝速與人交有恩意 並承務郎三女壻曰楊州江都主簿孫端亳州司户參 封安康郡君子男四據終揚州江都尉遼承事即逸超 其所厚善者翰林學士蘇公軾子瞻屢熙龃龉而以詩 安魏氏光禄柳琰之女卒贈遂寧郡君又娶遂寧之弟 以文章顯名實元慶歷間當時名公皆推重之再娶新 之日家無贏貨上轉特厚如其氏追號某郡太君初娶 長沙狄氏襄陽主簿遵度之女早卒追封某郡君遵度

多定四库全書

南轉運使遂以其年十月丙午葬公建昌縣千秋原至 卷留山中如故號其處曰李氏山房當曰生死必歸此 | 覺幸老齊名俱為司空呂正歐公所知期以國器二人 其終也諸孙自閥鄉扶極歸南康時公之伯兄華為江 山之五老拳下白石僧舍後雖出仕官而所抄書九千 官伐趣舍大畧多同數月之間相繼而逝人甚異之平 酬答更相稱譽當坐此贖金而益親不悔少與高郵孫 久三日豆 二十二 生所為文章諸子集為若干卷藏于家少時讀書于鷹 漁 魏公文集

其粹清氣直而和識速而明濯纓江湖發藻仙瀛天子 異彰之精衡廬之靈鐘秀于人為時之英彼美公擇得 寺又連烟屬論議無間然故知其所存尤悉大抵推誠 行于世嗚呼命也夫銘曰 接物進退有本末不為孑孑驚俗之行其所言于時有 巨量然官不出六尚書毒止六十四其所盤積不得盡 合有不合或以見誠而士論終以長者目之謂其遠大 如其志其葬也諸孙來請銘予與公游三十年早同官 卷五十五

執 憲臺水變通盡利獻替輸誠金華進讀轉洛老成兩 行奕奕奉常巍巍貳卿帝用者舊權司典刑坐籌省計 命之拾遺帝庭人討裁矯政失吾爭既出復召道直言 屋殁有佳城克終厥志表以斯銘 而傾三紀立朝便番寵樂五奉舊隱未始忌情生存華 退守干騎但在半途親関遂較脩程于陸國體臨擊

多安四库全書 卷五十五